

ribus, subundulatis foliis; sed calyce basi pedunculisque sub calyce pubescentibus, et color florum aureo-flavus. Folia ut in *T. pratensi*, basi dilatata amplexicaulia, et pedunculi aequales, nec incrassati. Habitat in Scepusio, unde a Genersich specimen manuum accepi.

**469. *T. orientalis*,**

Habitat in graminosis siccis ad Gödöllő, Arács, Füred, in Muraköz, ad Varásdinum, in Syrmio, Banatu.

**470. *T. caulis*.** Pl. rar. Hung.

Inter frutices solo arenoso, ad Izsák, alibique in Cotto Pesthiensi, in populeto ad Izsák.

**471. *T. major*.**

Habitat in graminosis Budae, ibidemque ad vias inter vineas, in Cotto Albensi, Veszprimensi, Szaladiensis, inque Banatu et Syrmio.

**472. *T. angustifolius*?**

Sed caules pedales altioresve, et calyces corolla breviores. Ad Csaba versus Dorog. Corollae magis quam in *T. pratensi* et *T. majori* flavescent.

**473. *Scorzonera austriaca*.**

Habitat in montibus apricis tractus mediterranei Strigonio usque Keszthely.

**474. *S. humilis*.**

Dignoscenda a praecedente foliis latioribus, planis, nervosis: nervis opacis, apice obtusiusculo, squamis calycinis apice non fuscis; lanugine calycum, caulium et petiolorum copiosiore. In pratis subalpinis caule est unifloro, palmari; foliis ovatis, acuminatis, aut ovato-lanceolatis; in pratis humidis autem partis australis regni, velut per Comitatum Pesthiensem, Hevesiensem, Albensem, caulibus est pedibus altioribusque, saepe 2 — 3-floris, raro unifloris, foliis lato-lanceolatis, aut ovato-lanceolatis; praeterea ibi folia caulium

sunt breviora quam hic; nec tamen squamae dicenda ut in *S. austriaca*. — Quae Linnaeus in itinere belandico de sua notavit, omnia exacte conveniunt, demtis corollulis, quae nostrati calyce sunt longiores, Linnaeanae calycem aequantes. Datur varietas angustifolia, quae omnibus notis cum *S. glastifolia* convenit; hujus discrimen primo determinandum venit.

475. *S. dentata* mihi.

Similis *S. hispanicae*: canle erecto, ramoso subsesquipedali; foliis lanceolatis, infimis saepe ovato-lanceolatis, longe acuminatis; calyx squamis exterioribus ovatis, acuminatis, potius cuspidatis, potius magnitudine quoque et colore florum. Sed diversa foliis angustioribus, inferioribus toto margine dense dentatis, dentibus obtusis, subcallosis. In horto è seminibus educata constans mansit, hoc non obstante forsitan pro varietate sumenda. Superiora folia margine scabra. In Hungaria a me lecta.

476. *S. hispanica*.

Folia margine diaphano-scabra, quandoque inferiora raris dentibus instructa, ut in pratis ad Dégh notavi. Habitat in graminosis montium Budensium, in pratis siccis Cottus Albensis, Veszprimiensis, Szaladiensis, Sümeghiensis. Apud nos foliis plerumque dentes desunt; ergo in definitione foliis subdentatis non distinguenda.

477. *S. parviflora*.

Caules verni simplicissimi, unifolii, uniflori, folia parum excedentes; aestivi ramosi, foliosi, folia multum superantes. Squamae calycum apice ibenrvae. Pappus sessilis. Habitat in pratis udis, subsalsis, et ad lacus salsos: Pesthini, Budae, in Cottu Albensi, Sümeghiensi, ad Balatonem; Soproniensi et Mosoniensi ad Peisonem.